



De karnevalsgezèt
van de KINDERSE
RABBEDABBERS
33 ste jaorgank

DERABBED

A B B E R

Mèt in dees editie:

- Prins Tony I en prinses Marijke I
- Jeugdprins Jay-Dee I en jeugdprinses Rachel I
- Wèrebouts van Kinderse sporters zörge veur veul probleme
- Studio Brussel in ziëj mèt Monza veur volgendj glaze hoës
- Referendum euver de Kinderse Lange Wapper
- Crisis biëj mèlkviëhaojers in Kinder!
- Dick Advekaot geit veur trio-baan
- Volgendje astronaut oët Kinder!
- Gratis riëjlèsse biëj Monza
- Openbare wc op 't dörp
- En nog veul miëj sjèele zeiver



Jeugdprins Jay-Dee I en jeugdprinses Rachel I
Prins Tony I en prinses Marijke I

Proklamatie van Prins Tony I

Mèt de grasiej vanne Veurzitter en miène veurgaondje Prins , mèt de zèege vanne aoj-prinse verklaor ich hiejbiej vandaag mièn èllef punte.

Ten iëste :

Ich, Tony Vanwijck, bèn door het gek hèer det ich uch kan aankondige dèt ich dit jaor door het lèeve kan gaon es 33e groëwte prins vanne Rabbedabbers van Kinder es : Prins Tony de 1e!

Ten twiëdje :

Ich gaon neet allein van dit prinsejaor geneete, mer ich bèn wriëd content det ich uch hiëjbiej kan veurstèlle aan : Prinses Marijke de 1e!

Ten dördje :

Ich bèn de gelökkige vader van jeugdprins Seppe en steefvader van Joke.

Vanaaf volgendje wèek kinne wèe zègge det Seppe jeugdprins waas, en den bèn ich bjus trök de baas!

Ten veerdje :

Vreuger hób ich zelf gevoetbaldj, mèr noë bèn ich de groewtste supporter van miène zoon. En nao de match dõrf ich al ins de kantien toe te doon.

Ten viëfdje :

Miëj beroep is zelfstandig installateur van sanitair. Jõng vrouwluij õnger eine werme douche, det zeen ich dus gèer!

Ten zèsdje :

Het make van sjefaazje is mièn specialiteit. Dus dit jaor gei gevreur, dao hõbbe we prins Tony veur.

Ten zeevendje :

De aarde wõrmptj op, daovan kriëge wèe gooje mood, wèe sjefaazjemèn doon õs werk dus echt waal good!

Ten achtste :

Ich bèn de 33e prins, 3x11 jaor Rabbedabbers,

det zeen al serieuus getalle, det weurdj ei jaor õm ins good te knalle.

Ten neegendje :

Op zaoterdig 30 januariej is miëj prinsenbal en op zõndig 14 februariej de stoet.

Mõs het kaod zeen, dèt kan ich noë al zègge, zal ich langs de ganse õmluip sjefaasj aanlègge.



Ten tiëndje :

De stoet is dus dit jaor op valentijntjesdaag. In deze crisiëd zou ich zègge, verleeftje koppelkes, koup dit jaor mer niks blinkendjs of niks sjiks, in Kinder zeen dèen daag de kermelle veur niks!

Ten ellefdje :

Biëj deze eine werme opreup veur mèt de karnavalsdaag: 3 daag lank kan ich gein sjefaasj repareren, mer gèe kriëgtj het ouch werm door mèt prins Tony den 1e good te kòmme veere!


Gedaon te Kinder inne sporthal oppe 33e prinsezitting van 9 januariej 2010 door ugge 33e groëwte prins van de Rabbedabbers van Kinder, Graaf vanne Lemmesstraot, Hertog van de Brookhook, Baron van wermwaterkraan tot sjefaasjketel,

Ugge euvergelökkige prins TONY de 1e

Mièn leuze veur dit jaor zal dèn auch zeen :

**Stoektj ge op gaas
of op mezoet,
sloëtj uch neet op mèr
kòm ter ins oet!!**

Proklamatie Jay-Dee I en Rachel I



Ten iëste:

Ich bèn Jay-Dee Breukers, zoon van Jos Breukers en Heidi Verkissen En het breurke van Cheyenne. Mer dit jaor bèn ich jeugdprins Jay-Dee den iëste!

Ten Twiëdje:

Ich bèn Rachel Coonen, dochter van Eddy Coonen en Chantal Kuppens, mer in 2010 gaon ich fiëste en tempiëste es jeugdprinses Rachel de iëste!

Ten Dördje:

Ich woën oppe Sjans, dit waas miën kans, veur ei gans jaor, staon ich es jeugdprins klaor.

Ten veerdje:

Ich bèn vanne Sevensstraat, det heet mich altiëd al verheugd, mer dit jaor bèn ich jeugdprinses van de ganse Kinderse jeugd.

Ten viëfdje:

Es ich groëwt bèn wil ich het prestere ôm hiëjl Kinder te tatoeëren!

Ten zèsdje:

En ich wil later es juffrouw tot op de basissjoëwl in Kinder geraken, zoëdèt ich van de hiëjl jeugd carnavallisten kan maken!

Ten zeevendje:

Miën groëwtste hobby is carnavallen, dus laot het in 2010 mer knalle!



Ten achtste:

Ich bèn biëj Groove-It in Maaseik en biëj de twirling All-stars van Kinder, ich zit dus vol lèeve en gaon mich dit jaor veur 100% gèeve!

Ten neegendje:

De stoet is met Valentijn: ich wil uch dao zeen, groëwt en klein!

Ten Tiëndje:

Wèe belove aan de jeugd en aan de groëwte minse, ei jeugdprinsekoppel wiëj ôs, gèe kintj neet bèter winse!

Ten èlfdje:

Ôos leuze veur dit jaor zal zeen:

Haodj uch mer klaor, 2010 is ôs jaor!



Volgendje astronaut oët Kinder!

Geluf het of neet, mer oët gooj bron weite wèe det de volgendje Belzje astronaut oët Kinder kumptj! De lèste kiër detter volk zaat in het ruimtestation wore ter namelik eine houp probleme mèt het sanitair en de verwörming. Diëj anger kèerels wore waal serieus geliërdj, mer van dèe techniek haaje ze blijkbaar hiëjl weinig kiës gèete. Van daag in daag oët det astonautenvoor ginge dèe Rus, dèe Chinees en Frank Dewinne meistal hiëjl plat aaf. Zoë plat, det ze veul te veul wc-pepeer môste gebruuke. Dè pot zoot de hëlft vanne tiëd verstoptj! Tot euvermaat van ramp ging ouch het 'kaka nao choco- mesjiën' kepot!

Nao topeuverlèg oppe NAVO hóbbe ze dèn mèr beslote ôm eine specialist ter zake met nao bove te steure in 2010. Neemes miër den ôzze eige prins Tony den 1e volgtj op dit eigenste moment ein zwaor opleijing ôm astronaut te wèere. Ze hóbbe door de crisis waal serieus in de kôste môtte bespare. Tony môt namelik een hiëjl aantal trainingen zelf volge. Zoë heet de prins veurige kèrmis mer leefst 5 oor aan ei stök op de carroussel gezèete. Dit ôm minder snel dul te wèere in het hiëjlal. Ôm ziëne maag en de rest van ziej gestèl te doon winne aan det vloeibaar voedsel, kriegtj hèe van Marijke nog allein mer pudding en sôp. Slechts ei stökske vleis per wèek is toëgelaote.

Ten slotte nog het meujlikste vanne opleijing: gedoorendje ein half jaor môt hèe eeder wèk op zaoterdignacht de klok nao het zomeroor en de wèk daonao weer nao het wintjeroor zètte. Zoë is ziën bioritme al volledig ôntjregeltj veur hèe vertrèktj en wère alle aanpassingsproblème op veurhandj al opgelostj, zoëdèt prins Tony den 1e drek aan ziën belangriëke wirkskes kèntj beginne es hèe einmaal dao bôve zitj!



KÔMST TONY ZÛRG TJ DRÈK VEUR SPANNINGE
PRINS TONY 1 WEIGERTJ MÈT TE ZWEVE!!!



NAO PIS-NAO-WATER ÔMZÈTTER...
KAKA-NAO-CHOCO
MESJIEN NOË AUCH
AL KEPOT



Môppe

- ◆ Eine boor oet Mezeik en Wout Hoeken oet Kinder woore tegenein op aan't sjôppe euver hun gemeindje. Dèe van Mezeik haaj wiej wèe gewindj zeen het groëwte woord en zag: Biej ôs dreugtj burge-meister Jan Creemers ein gaoje kètting ôm ziene nak. "Is det zoë"? Zeet Wout. " Oh, biej ôs maag Bèr Brouns tenminste vriëj rônjloupe.
- ◆ Jan Linssen is mèt Kurt, ein van ziën collega's, aan het wirk op het landj. Inins zaktj Linssen tot aan ziën inkels inne modder. "Gank snel miën botte hole", zeet hèe tege Kurt. Es Kurt biëj de boorderiëj is kumptj er twiëj van Jan z'n dochters tege. "Waat duis dich hiëj", vraoge de dochters noewsjiërig. "Ich maag van Jan mèt uch allebei nao bèd", zeet hèe. "Dao geluive wèe niks van", zègge de meiden. "Oh nèe? Wacht mèr, ich vraog het hum", zeet Kurt. En hèe reuptj keihèl nao Jan op het landj: "Môs ich d'r noëw ein of twiëj pakke?" Hoëwop Jan reuptj: "Allebei naturelrik, onnuëzelèer!"
- ◆ Senol kumptj den Delhaize binnen en vreugtj aan de cassière: "Whoë vinj ich de tampons?" "Dördje gank links, meniër", antwoordj diej medam. Ei keteerke later passeertj Senol aan dèezelfdje kassa mèt in ziëj kerke 3 kilo watte en 2 mèter touw! De cassière lachtj ins en zeet: "Ich dink neet dèt het dèt is waat diën vrouw nuëdig heet!" Senol antwoordj: "Veurige wèek steurdje ich heur nao Matthy Kwaspens veur ei pekske sigretten en ze kwaam bjus mèt vloeikes en toebak. Det ze noë heure prul ouch mer zelf roltj!"
- ◆ Biëj eine gynaecoloog ligtj ei vrouwmes inne stoel, in de waalbekindje haojing, mèt de bein wiëd ope veur ein inwendig ôngerzeuk. Inins kumtj Hugo Peerlings binne, in ziëne witte jas. Hèe kiekjt heur ins leef aan, controleertj effe heure spreidstandj en geit weer door. Effe later kumtj ein van Hugo ziën helpers binnen, en ouch dèe sjaamt zich neet ôm ins effe good te kieke. Es opins ouch Hugo weer binne kumtj, reuptj het vrouwke: "Zèg, wiëniëj wèer ich hiëj ins geholpe?" Hugo lachtj ins en zeet: "Gein idee, wèe zeen hiëj de gank aan't vèrve!"

GRIP IN KINDER?

DOKTER BULLEN MAAKTJ ZICH GEIN ZÖRG
MIËR EUVER DE MEXICAANSE GRIP.

ICH WIL UCH EFFE
MELDJE
DET GEE OPPE DAAG
VANNE STOET
MËT EI GEROST HART KËNTJ
OPPE STRAOT EN INNE ZAAL
KÔME.
DIT KESTUUM HAAJ ICH AL
VEURZEEN VEUR DE STOET.

Dokter Bullen maakt zich gein zörg miër euver de Mexicaanse grip. Hèe meldj hiëj aan ôzze reporter det gèe oppe daag vanne stoet mèt ei geröst hart këntj oppe straot en inne zaal kôme.



Rikske

van de Rappetappers regeltj vredesôngerhanjeling in Israël.


TEI KIGGEN HEET 'T GEZEEN: BOLT STÔNG
BOËTESPEL OP HET MOMENTJ VANNE PASS



Tei Kiggen

heet mèt zien arendsougen hiëj good gezeen det de euverwinning van Usain Bolt op de 100 mèter oppe wèreljdjkampioensjappen neet geldig is.

Minse oët Kinder



SOS Pool

geit op ziene sloëttingsdaag es 'chef dèe hulptj' rôndj mèt ziën ottooke ôm erveur te zörge det neemes ziën kortelèt nog aanbrandj, det ugge pudding neet mislôktj, en det waat op uggee teijer kumptj d'r ei bitje appetitelijk oëtzuut!



Paus Ratzinger is lid gewore van Tae Kwon Do Yeung oët Kinder. Hèe puktj nao de tackle in de lèste middernacht mès gein inkel risico miër. Laot diëj vrolluuj mer kômme, zeet eine strijdvaardige Papa Razi.



Brecht 'Flügel' Vanhoef en Danny Kunnen

zitte inne finale van 'De Slumste Mins van Kinder'! Nao de vraog 'Waat zeen de redene ôm volgendj jaor nao de Prinsenzitting te kômme?' stuit Brecht ei klein bitje veur op Danny. Benuudj wëm hiëj es winnaar oët de bös geit kômme!

Openbare wc op 't dörp



De iëjste "zeikkelder" van Kinder (openbaar toilet) kumtj er nao de bodemsanering aan de graasj van Kla op het dörp.

Ei paar moandj geleeje wore d'r biëj Kla in't dörp serieus wirke bezig. Eederein dacht det ze dao de bojem môste

gaon sanere. Oet ein gooj brôn heet de redaksie lèst nog vernome det het hiëj ôm ei geheim project vanne gemèindj geit. Ze hóbbe dao inne plaats van Kla zien aoj smeerkelders eine vónkelnoewe zeikkelder gemaaktj. Zoë kónne alle inwoëners van Kinder dao binnekort hun behoeftes gaon doen es ze in't dörp zeen.

Veural bij allerlei activiteiten zal deze zeikkelder zeker gebruiktj gaon wèere. Wèe dinke hiëbiëj aan de wèekelikse mert op donderdig (de vèsboor), de twiëjaorlikse keesmert, de opening van het carnavalssezoen, met de kèrmis, enz. Es d'r niks te doen is den is d'r ouch niks te zeen want det sanitair complex sjuuft dèn weer trök de grôndj in!

In noëdgevalle kinjt ge uch melde biëj de gemèindj of dao eine pas bestèlle woëmèt gèe zelf dè zeikkelder kintj ômhog en ômliëg laote gaon. Alweer ein gooi en nuttige attractie d'r bië in Kinder. Eine gooie tip: haodj het proper want nao uch kumjt d'r nog eemes!

Op dit sfeerbeeldj zeet gèe det ein paar lokale dörpsfigure de zeikkelder al good ingewiëdj hóbbe biëj de opening.



Rabbedabberdieet

Wèe van de Rabbedabbers weite ouch det tegenwoordig het hiëj belangriëk is ôm ein gezondje geist in ei gezôndj liëf te hóbbe.

Diëj carnavalsdaag zeen altiëd zwoar veur det liëf, met dèt good èete en dèe lekkere drank. Daoveur gève wèe uch hiëj ei geweldig good dieet, det ge neet allein in de carnavalsdaag kintj volge, mer gerôst het hiël jaor moogt aanhaoje.

Het zitj hum biëj dit dieet neet in het minder èete of drinke, mer waal in voldoende lichaamsbewèging. En waat is er noëw fijner den ei good pôtje 'de leefdje bedriëve'!

Gèe kintj aan de handj van ôngerstaondje tabel zelf berèkenen wiëjveul kaloriën det gèe verbruuktj biëj het leefdjespel.

De eine de angere de kleier van het liëf trèkke:
mèt toestômning: 12 cal.
zonger toestômning: 187 cal.

Oëtdoon BH:
Mèt twië henj: 8 cal.
Mèt ein handj: 12 cal.
Zonger henj: 85 cal.

Veurspel:
Zeuktocht nao de clitoris: 8 cal.
Zeuktocht nao de G-plek: 92 cal.

Stendjes:
69 liggendj: 8 cal.
69 staondj: 1112 cal.
Italiaanse kandelèr: 912 cal.
misjonaris: 12 cal.
kroekèr: 216 cal.

Condoom ômdoon:
mèt erectie: 6 cal.
zônger erectie: 315 cal.

Het orgasme:
echt: 112 cal.
doon esof: 315 cal.

Naospel:
in béd bliëven liggen: 18 cal.
oet béd springen: 36 cal.
oetlèggen woërom desse oet het béd springs: 816 cal.

Een twiëdje erectie kriegen:
tösse de 16 en 19 jaor aod: 12 cal.
tösse de 20 en 29 jaor aod: 36 cal.
tösse de 30 en 39 jaor aod: 108 cal.
tösse de 40 en 49 jaor aod: 324 cal.
tösse de 50 en 59 jaor aod: 972 cal.
bove de 60: minstens 2916 cal. (Bèter ouch de dokter al effe bellen)



Wistj gèe det

... **Jos Moubax** (al sinds de middeliëwe lid vanne raod van èlf, zoon van Jan Moubax dèe onlangs 80 is gewoore, levensgeneeter, humorist tot inne kist) stoptj es Vorst van Kinder en redacteur van de kwaliteitsgezèt Het Rabbedabberke. Hèe geit zich vanaaf noë volledig toëlègge op ziën noew passies: darten en filosofere euver het lève. Wèe bedanken Jos veur ziëne jaorenlange staot van deenst en winse hum alvast veul succes!

... **Jenthe, de kleine van Hendrik 'Veus' Neyens van de KDR-crew** liektj kwa oëterlik (gelökkig) op heur mamma, Kim, mer veur de rest is het ein echt pappa's kindje. Weinig slaope, veul sjijete en 6 kiër per daag èete.

... **Marijn Pouls, zoon van Leon Pouls en Arlette** weurdj de keuning van Kinder genoemdj. Democratisch is det allesbehalve verloupe. Hèe heet zich verdoeme zelf oëtgerope tot keuning. Vader Leon en Mooder Arlette zeen einigzins teleu gestèldj. Ein gooi opveujing van 28 jaor geit op ei paar minute hiëjlemaol verlore. Wè willen Leon en Arlette biëj deze ôzze steun betuige, en zulle d'r alles aan doen ôm Marijn trök met de twië puëj oppe grôndj te kriège!

... **Dominiek vanne Bôndj en Franky Smits** ôs vereniging hóbbe verlaote. Det wèe die twië missen, mer det wèe ze hiëjl veul gelök winsen mèt alles waat ze nog gaon doon, en det wèe hopen dees twië rabbedabbers nog regelmaotig te zeen op carnavalsactiviteiten.

... **Willy Fiddelaers en Ludgarde Knoops** 11 jaor geleje ôs prinsenpaar waas. Det zië toen ein gans seizoen ferm gefiëst hóbbe en det de opwörming vanne planeet toen dinkelik begônne is.

... **Frank Houben en Nathalie Eerdeken** toen het jeugdprinsenpaar waas. Det diëj noë nao alle waarsjienlikheid 11 jaor oajer zeen en allebei mèt den otto moge riëje.

... **Jan Vanne Cuup en Roberto Maggen** 22 jaor geleje ôzze prins en jeugdprins wore, en det 33 jaor geleeje **Tjeu Janssen** jeugdprins waas.

... **Jacky Vossen en Wout Hoeken** tot Ridder en Kroëwnridder zeen oëtgerope en det **Moniek Stevens** (van Pool) ôzze noëwe Ridder is!

Referendum euver de Kinderse Lange Wapper



Zeet gèe ouch al ins langs ôs punaise môtte passere es de sjoëwle zjust oët zeen? Neet gemekkelik! Al die bösse mèt sjoëljong staon dèk al van aan frituur Lunchbox aan te sjuuve tot aan het rôndj punt. Tel dao nog ins biëj det het zwaor verkiër oët het dôrp weurdj geweerdj woëdoor ôs industriepark get aan het stagneren is, en wèe moge sprèke van ei groëwt structureel probleem!

Doamèt heet de Kinderse BAM (Boëw Aangelegenheden Maaskant) get geldj d'r tegenaan gegoëjd veur een studie euver een Lange Wapper brök in Kinder. Zoë zou neet allein het fileprobleem nao sjoëwl opgelostj wèere, mer kan het vrachtverkiër ouch weer fatsoenlijk op het Leuerbrook gerake. Ei kèertje van het veurstel vindj ge op het gemeindjehoës en ouch kortbiëj het probleemgebeed, bove de bookeriëj.

Hoewaal het Kinderse volk veul soepelder is den de gemiddelde Antwerpeniër, zeen er toch eine houp inwoëners diej tege dees planne veur de brök zeen. Matthy Kwaspn heet sjrik det hèe 3 kiër inne wèk de rame van ziëne winkel môt gaon poetse door al det fiën stooft. Jos Vandewal, dèe

pas veurig jaor eine noewe veranda heet gezat, zuut het ouch neet zitte ôm vanoët ziën keuke al det zwaor geweldj te zeen langskôme. Ôm nog mèr te zwiëge van al diëj jung diëj vanoët diëj bösse biëj hum binnen kinne kiekke! Aod sjoewldirecteur Juul Martens heet dèn weer veul sjrik det die brög al de leechtinval op zien serre geit tegehaoje. Vaarwel vese legume... In frituur Gigi zeen ze al eine meugelike promotiestunt: dao kintj ge vanaaf noë al ein 'Lange Wapper Woost' bestèlle.

Ôm oëtsloëtsel te kriège euver het al dèn neet starte mèt de boëw, weurdj binnekort ei referendum georganiseerdj. Inne basissjoëwl kan binnekort eedere inwoëner ziën stum oëtbringe. Kinder, laot uch huëre op dees stumming!



Dick Advekaot geit veur trio-baan



Dick Advekaot, trainer vanne Nationale ploog en sinds kort ouch van AZ Alkmaar, zörgtj weeral veur ein verrassing. Hèe heet pas bekindj gemaaktj det hèn ouch nog ins adviseur weurdj bièj het noëdlijendje KFC Kinder. Aangezeen Kinder sjoëwn tösse Alkmaar en Brussel ligtj, is det good te doen. De roëjduuvels speule de komendje maonde toch neet miër es ein oefenmatch, dus es dièj weurdj òmgezagt zoëdet ze tege KFC kinnen sjotte, vormtj det ouch al gein probleem mièjr.

Jean Fiddelèers, dè twiè slaopkamers leeg heet ston sinds det zièn kroëst is oëtgevloge, wiltj ein kamer ter besjikkung stèlle van Dick. Jean dreugtj Kinder FC in zièn hart, en kintj een aardig muulke mètkalle euver het spelleke. Det zal Dick zeker apprecièrè!

Crisis bièj mèlkvieëhaojers in Kinder!

De crisis heet zwaore gevolge veur de Kinderse mèlkvieëhaojers. Ze kriegen niks mièj veur heur veese mèlk! Nao veul euvèrlègge en naodinken zeen ze gezamelik tot ein gooi oplossing gekòmme. Òmdet de mèlk geine rotte euro mièj opbringtj, sjakele ze euver op beerkuuj. Mais hóbbe ze neet mièj nuèdig, dièj bièste kriegen nog allein mèr gèest, terf, hop, gist en water te vrèete.

Vanaaf het kòmendj veurjaor kòme de volgende Kinderse specialiteite reeds oppe mèrret: Rundstripel 8°, Euijergeuze, Zoormilk 6° en Tôngleffe.



Ouch zeen ze van plan dees beersoorte te gaon levere aan alle Kinderse cafées en alle brouwerièje in den òmtrèk. De Rabbedabbers hóbbe al ein ganse koew gekocht zoëdet wèe de ièjste jaore neet miè zònger beer kòme te zitte! Bièj het oëtteste van dièj koew bleek det d'r hiël get drök oppe leijing stuit!



Môppe

- ◆ Tom 'Jaak' Jacobs vanne KDR-crew reej oppe E40 toen hèn dringendj hoëgnuèdig nao het huuske môs gaon. Hèn stopdje bièj het ièste tenkstation en leep nao de wc. De ièste plee waas bezat, dus hèn geit door de twièdje deur nao binne. Hèn zaat nog mèr zjust oppe pot, toen ter langs hum eine kèrel tege hum begos te kalle. "Hey, alles in orde?" Jaak vònj het neet echt de plaats of het tièdstip veur ei good gesprek, mer oët beleefdheid antwoordje hèn: "Jao huèr, alles good!" "Waat bèsse aan het doon?" vroeg dèn kèrel opnoew. "Eigelik ein raar vraog, mer jah... Ich bèn op mièj gemaak aan het kakken hèn." zag Jaak Inins huèrdje Jaak dèn mins langs zich ei bitje geirriteerd zègge: "Sorry sjat, mer ich gaon dich drek trök belle, d'r zitj hièj eine rare op de wc langs mich dèn op al mièn vraoge antwoordjeuftj!"
- ◆ Ellen van Kaj van Ton van Kimmenade stuit inne badkamer veur de spegel euver heur borsten te vriève. Kaj, heure mins, vreugtj: "Woeròm duise det?" Ellen antwoordj: "Ich wil groèwter borste kriège..." "Oh" zeet Kaj "Den môsse vriève mèt wc-peer." "Hulptj det dèn?" vreugtj Ellen "Awaal", zeet Kaj, "het is mèt dièn kòntj toch ouch gelòktj!"
- ◆ Patrick Verlaek en Ed Smeets zitte same in Cafè het Ròndj Punt zich eine gooie te drinke. Het weurdj al laat, en Patrick zeet: "Ich môt mèr ins heives gaon, want ich begin al dóbbel te zeen." Ed puktj snel zièn portefeuille, puktj 50 euro dao oët en zeet: "Hièj, Patrick, det zeen dièj 100 euro dieje ich veurige wèk van dich hób gelièndj."

Wèrebouts van Kinderse sporters zörge veur veul probleme

Neet allein Yanina Wickmeyer en Xavier Malisse höbbe sjaai van diëj vervèelendje wèrebouts van het anti-douping agentsjap. Ouch Kinderse sporters wèere nauwlèttendj in het oug gehaoje, en d'r zeen d'r ouch al ei paar tege de lamp geloupe. Veurige wèek zeen de volgendje luuj veur het gerecht môtte kômme: KFC- spits Christof van Vlijmen, KIVOC volleyballer Bart Piëters en sjöt Jan 'mèt de klak'. Van Vlijmen is neet te sprèke euver dè flauwe zeiver. Hèe waas nao ein fiëstje in diskoteek de Febrik in Bree van zaatigheid euverhoup gevalle toen hèe boëte aant pisse waas. 's Mörgees waas Christof dus neet te bekinne aane koëi. Bart Piëters heet alles eigelik ei bitje aan ziën eige te danke. Gewuun neet kômme opdage wiëj aafgesproke, en den es oëtlèg gève det hèe in slaop is gevalle oppe stool van Jos Tattoo. Dao mósse nao het mègtje mèt al diëj sterre in

heur gezicht neet miër mèt aafkômme nateurlik! Ouch in het geval van Jan is er serieus euverdreeve door de doping-jagers. Jan haaj opgegèeve op ziëne wèrebout det hèe op dônnerdig 5 juli zou gaon traine aan het sjöttelekaal vanne Brookhook, waas het neet det hèe op det moment good aan het winne waas mèt koejônge in Café Sport biëj Riek van Kaat en Rina. Hèe heet toen de training mer aan zich veurbiëj laote gaon. Jaomer genôg stonge toen zjust die controleurs aan de sjöttebrak te wachten. Sjaai.



Pier Grispen, altiëd veurtrèkker gewèest van de Kinderse sport, is mèt gegange ôm de verdediging van dees kadees op zich te pakke. Sinds hèe biëj de Sjèver is gestoptj heet Pier toch tiëd genôg. Vol spanning wachte ze noë op de oëtspraak vanne rechtbank.



- ◆ Marc Snickers kumtj biëj graasj Jacobs mèt ziene otto. "Ich wil gèer twiëj speegels veur miëne golf", zeet hèe tege Benny. Benny bekiektj d'n otto ins good en zeet: "Oké, det liëktj mich eine gooje ruil!"
- ◆ Rudi Vanaken kumtj biëj Matthy Kwaspen en duit mèt aan de Lotto. Matthy vreugtj: "Waat geise doon es dich het miljoen euro wins?" Rudi antwoordj: "Nao tèllen!"
- ◆ Brecht 'Tubby' Tindemans vanne Hemelzoëpers, haaj ei paar wèeke geleeje sjans. Hèe haaj op ein fuif ei sjoëwn mèegtje liëjre kinne en belandje met heur tösse de lakes. Nao ein lange nacht van vriëje roldje hèe op ziën ziej en keek rôndj. Op het nachtkestje stong ein foto van eine kèrel. Tubby maakdje zich get zörg en vroog: "Is det diëne vriend?"

"Nèe, hiëjlemaol neet", antwoordje zië, en ze kroop nog ins lekker tege hum aan. "Is het diej broor dèn?", vroog Brecht. Hèe waas d'r nog neet geröst in... "Nèe, ouch neet huër", zag zië opnoew. Ze knauweldje nog get aan zien oëwr. "Wèem is det dèn", vroog hèe. "Oh", zeet zië. "Det waas ich veur miën operatie."

- ◆ Dominiek vanne Bôndj en Gert Verbeek zeen op vakantie in Amerika. Ze staon veur de poort van het Witte hoës get foto's te trèkke. Inins kumtj er eine kèrel in het zwartj nao heur hèer. Hèe duit ziëne jas ope, leutj ziëj geweer ônger ziëne oksel zeen en zeet: "FBI". Dominiek bedinktj zich neet, duit ziën jeske ope en zeet: "Zuuver geitewol!"



Studio Brussel in ziëj mèt Monza veur volgendj glaze hoës



Nao het groëwte succes van Music for Life mèt het glaze hoës in Gent van Studio Brussel heet het bestuur van Radio Monza beslistj een eige, soortgeliëk initiatief te haoje. In de wèk veur keesmis zètj Studio Brussel al ei paar jaor ei glaze hoës örges niëjr òm door het aanvraoge van platen dèn gèldj in te zamele veur ei good doel. Kinder heet ouch ei paar gooi doelen die get centen kinne gebruuke, dus Monza zal det verkske waal ins wasse. Het hoës zal in Kinder op het dörpsplein kòmme te staon, recht tegeneuver het beeldje van ôzze Rabbedabber. Juul Martens stèltj zien serre ter besjicking, aangezeen hèn in december toch gein legume heet. De driëj DJ's diej ein ganse wèk in det huuske wèere opgesloten zeen: Silver Lady, Tony en Jan 'voila' van Bussel. De loësterèers kinne in ruil veur get geldj plate aanvraoge en de opbringst geit nao een good Kinders doel. Ze zulle een ganse wèk op sapskes môtte lèeve en òm de

beurt ei paar ore meziëk dreije. Dokter Bullen zal ouch regelmaotig in het hoës aanwezig zeen òmwille van gezòndheidsrejene (van de DJ's en neet van hum nateurlik).

Good noets is dèt de DJ's d'r neet allein veur zulle staon. Ouch op anger meneere zal ter geldj ingezameldj wèere.

Roel Bosmans geit zich inspanne in de vorm van: Gigolo for life. Veur ei paar euro's maag eederein dèe det wiltj get mèt Roel knuffele en ujele.

Kristel van Kurt Creemers van Café 't Rôndj Punt geit van start mèt de actie 'Bitterballen for life'. Ze geit ein ganse wèk éedere aovendj aan het beeldje vanne Rabbedabber staon mèt eine fritketel, òm dèn tege de klippe vanne hel bitterklitskes te bakken veur het good doel. Kurt zelf zörgtj veur de sauskes.

Lange Né duit ouch ziën duit in het zekske. Mooders en vaders diej mèt hunne kleine nao het dörp kòmme kinne veur 5 euro heure zoon of dochter 10 minute op Né ziëne nak laote zètte. Né zal dèn ein paar rundjes rôndj de keesboom wanjele, zoëdèt dè kleine het dörp eine kiër vanoët de huëgdje kan bekiëke.

Jos Moubax heet al te kinne gegèeve det hèn ei paar daag aanwezig zal zeen òm veur eine euro per stök aan de loupendje bandj flauw môtpe te vertèlle.

Wèe dinke det dit geweldig initiatief genôg geldj zal opbringe òm ein aantal gooj doelen in Kinder te steune en winse de DJ's en alle sympathisanten veul succes en eine zachte wintjer.



Môppe

- ◆ Zôndigmörge, half zeven. Lei vanne Pepel weurdj wakker, gliptj stillekes oet béd òm ziën vrouw neet wakker te make en geit in alle stilte nao de badkamer. Einmaal in ziëj pekske van Rust Roest geit hèn op ziëjn tiën nao de graasj veur ziene koersfits boëte te zètte. Es hèn de graasjpoort open meuktj, sluit de iëskouaoje rèegen tegen ziëj gezicht. Hoewaal hèn al erger heet mètge-maaktj, geit hèn toch mer effe op teletekst nao het wèerbericht kieke. De veurspelling is dramatisch: sniëj, iëzel, hagel, windj,... Oëteindelijk besluit hèn toch mer trök te gaon slaope. Hèn duit zich oet, krupstj terög in bed tegen Els aan en zeet hiëjl stillekes: "t Is versjrikkelik wèer." Els, half slaopendj antwoordt: "Kinse gluive det miëne mins in det wèer is gaon fitse."
- ◆ Ei paar jaor geleje inne gemeintelikke basissjowel. Mao van 't klumpke stuit veur ziën klas en zeet: "Wèem lômp is geit staon!" Neemes stuit

op, behalve Cheyenne van Jos 'tattoo' Breukers. Mao kiëktj hiël verbaasd en vreugtj: "Woëveur geis dich staon, Cheyenne? Vins dich dichzelf lômp?" Nèn meister, mer ich vônj het zoë zielig det gèe dao allein stingtj", antwoordt Cheyenne.

- ◆ Dao kumtj ein hiëjl liëjlik vrouwmes binne in Café Malpertuus. Op heure sjouwer zitj eine pappegei. Het vrouwmes geit nao het buffet, lachtj heur rotte tenj ins bloëwt en zeet: "Wèem kan raoje waat ich op miëne sjouwer hób, maag gratis met mich nao bed!" Dao viltj ein piënlikke stilte, tot Robert Wirix reuptj: "Ein krokodil!" Het vrouwmes antjwoordt: "Det rèeken ich good!"
- ◆ Stefan Thaens zitj op vriedigaovendj nao het werk biëj Café Royale aan het buffet. Hèn môt nao de wc en òm te veurkòmme det ein van ziën wirkmaoten van ADK ziëj vees getaptj pintje oët-



Gratis riëjlèsse biëj Monza

Allewel zeen ôs sinjore veul mobieler es ei paar jaor geleeje. Ze goan veul miëj te voot of mèt de fits, mer ouch zuusse veul miëj van diej electriche scooterkes rônjdriëje. Ômdèt nog neet eederein dao good met kan gewèere goan ter riëjlèsse gegèeve wèere biëj Monza oppe parking eedere woonsdignaomiddig. Woërom dao zuljt gèe dinke? Dao is namellik alles aanwezig om diëj lèsse zoë aangenaam meugelik te make. Ze hóbbe dao koffie en vlaai, frisdrank en water mèr ouch stroum om diëj batterieje op te laaje! En biëj eitof meziekse vleege dèn diej oore om. Plaats is d'r ouch genôg om de kleinkinjer mèt te bringe mèt heure fits zoëdèt gèe same kintj liëjre wiëjdèt en whoë gèe daomèt kintj riëje. Ouch zulle dao noew speultuuge kômme woëdèt gèe uch sjiëf gewrichte kintj losmake es gèe sjiëfgezèete zeetj in ugge scooter. Uch reeskèrke môjt gèe nog zelf koupe, mer de speultuuge wèere profesjoneel gemaaktj door Cor Piëters van Spereco Kinder.



Vrolluuj...


Veurwaat vriëve vrolluuj smörges iëjst in heur ouge? Ômdet ze geine zak hóbbe om aan te dabben.

Waat verstuit eine manskèerel ônger helpen in het hoëshaoje?

De bein ophöffe zoëdet de vrouw kan stofzuige.

Maakse gein ruzie mèt diën vrouw? "Nèe, wèe zeen kwaod opein!", zeet Rob Steijven.

Vrolluuj op postzegels lachen altiëd! Vanachter wèere ze gelektj en vanveur wèere ze gestempeldj!



drinktj tuftj hèe d'r ins good in, sjiëftj det op ein bôkkaart en zetj diej tege het glaas. Es hèe trök kumtj vanne wc stuit ziën pint dao nog, mer op de bôkkaart heet eine d'r biëj gesjreve: "Ich ouch."

◆ Marc van Hoover geit oppe Prinsenzitting van de Rabbedabbers efkes nao de wc. Biëj de pisbèk stuit Piër Grispen, good in de olie. Piër vreugtj aan Hoover: "Meniër, hób ich get in miëj linkerhandj?"

Hoover kiëktj ins euver het tössensjotje en zeet: Nèe, Pier, niks."

Piër vreugtj mèt ziëne kop tege de moor leuwendj: "En in miëj rechterhandj, hób ich dao get in?"

Hoover kiëkt opnoëw en zeet: "Nèe, Piër, in diëj rechterhandj hóbse ouch niks vast."

Piër geit trök rechtstaon en antwoordj: "Verdomme, den staon ich in miën bôks te zeike!"

◆ Gunther Leenders is op ein 30+ fuif inne fanfarezaal. Hèe löptj Nathalie Paredis tege het liëf, en wiltj heur waal verseere. Gunther mer opsjöppe euver vanalles en nog get. Hèe kos judo en karate, hèe waas kampioen zwumme, hèe waas altiëd iërste van de klas vreuger, ... Gèe wètj waal: vanalles haaj ter al op ziëj palmars staon. Nathalie vindj het eigellik mer vervèelendj en zeet tege Gunther: "Wetse waats dich môs doon? Dich môs ein groepsfoto van diëjn eige laoten maken!"

◆ Tei Gitaar is fritten aant ète. Hèe is veul te gulzig en morstj ein gooi kwak mayonaise op ziën humme. "Dju, zeet Tei, ich zeen d'r weer oët geliëk ei verke!" Carine, ziën vrouw, antjwoordj: "Jao, en de hõbs mayonaise gemorstj auch!"



Dônderdig 11 februwariej 2010
Dialectoëtzending
radio Monza

Van 13 tot 18 oor

Zôndig 14 februwariej 2010
34^{ste} stoet

Vanaaf 14 oor

Maondig 15 februwariej 2010
Verklèdj bal
inne fanfarezaal

Gratis inkom

Vanaaf 20 oor

Môppe

Pé Fiddelèrs kumtj biëj dokter Bullen en zeet: “Dokter, ich wil mich laote castrere!”

“Mèr alé!” zeet Bullen. “Dich bès nog zoë jonk en de bès zoë gezôndj es ein pèrd, woëveur zoudse det laote doon es het neet nuëdig is?”

“De duis mich dao ein groët plezeer mèt dokter,” zeet Pé “Pé Theijbers, miëne bèste kameraod, heet det auch laote doon, en noëw zeen de knappe vroluuj neet miër biëj hum weg te slaon! Ich wil det echt, es gèe het neet dootj gaon ich biëj eine angere dokter. Ich wil het hiël zeker!”

Dokter Bullen zut gein anger oplossing den de operatie toch mer oët te veure.


Ein paar wèke later kumtj Pé ziëne kameraod Pé Theijbers tege op het dörp. “En Pé?”, vreugtj Pé Theijbers “Höbse dich al laote tatoeëre?”

“Waal verdomme”, zeet Pé Fiddelèrs, “Dich altiëd met diën meuilikke weurd!”

*Wèe bedanke van harte de hanje-
lèers van Kinder diej ôzze wimpel
gekocht höbbe !*

*Het is dankzij uch det de karneval
in Kinder kan bliëve bestaon !*

**De ômluip van de stoet, mèt opstèlling inne Esserstraot enne Kirkhofstraot.
Ôntbinjing en groëwte ambiance naoderhandj inne fanfarezaal.**



Verantwoordelijke oëtgèever: vzw KVRK, 3640 Kinder. Redaksie Rabbedabber: Johan Kwaspen, Mark Hoedemakers
Dit Rabbedabberke is gedrôktj biëj Drôkkeriej Hugo Symons in Bree. De leejour is gemaaktj door Ria Froidmont, dèt wirkj biëj drôkkeriej Symons.